

Háskólasjóður hins íslenska kvenfélags.  
 Heiðurslaunasjóður Benedikts S. Þórarinssonar.  
 Minningarsjóður Alexanders Jóhannessonar.  
 Minningarsjóður Benedikts Sveinssonar sýslumanns.  
 Minningarsjóður sýslumannshjóna Eggerts og Ingibjargar Briem.  
 Minningarsjóður stud. juris Halldórs Hallgríms Andréssonar.  
 Minningarsjóður Hannesar Hafsteins.  
 Minningarsjóður Haralds prófessors Nielssonar.  
 Minningarsjóður lektors Helga Hálfánarsonar.  
 Minningarsjóður Jóns prófests Guðmundssonar.  
 Minningarsjóður Jóns Ólafssonar alþingismanns.  
 Minningarsjóður Jóns biskups Vídalíns.  
 Minningarsjóður Ólafs Lárussonar prófessors.  
 Minningarsjóður Páls Bjarnasonar.  
 Minningarsjóður Páls Melsted stúdents.  
 Minningarsjóður frú Sigríðar Magnúsdóttur.  
 Minningarsjóður Skúla Jónssonar.  
 Minningarsjóður systkinanna frá Auðsholti.  
 Minningarsjóður Þorkels Jóhannessonar rektors.  
 Námsstyrktarsjóður Ólafs Guðmundssonar og Katrínar Sveinsdóttur.  
 Prestaskólasjóður.  
 Rasks-sjóður.  
 Styrktarsjóður Jóhanns Jónssonar.  
 Styrktarsjóður Lárusar H. Bjarnasonar.  
 Styrktarsjóður læknadeildar H. Í.  
 Verðlaunasjóður dr. juris Einars Arnórssonar.

## 8. gr.

Leita skal staðfestingar forseta Íslands á skipulagsskrá þessari og prenta hana í Árbók Háskóla Íslands.

Nr. 222.

28. apríl 1975.

**Staðfesting forsetans** á skipulagsskrá fyrir Minningarsjóð Valgerðar, Guðrúnar og Önnu Steinsen, útgefin á venjulegan hátt að mandatum af dómsmálaráðherra 28. apríl 1975.

Skipulagsskráin er þannig:

## SKIPULAGSSKRÁ

fyrir Minningarsjóð Valgerðar, Guðrúnar og Önnu Steinsen.

## 1. gr.

Sjóðurinn heitir Minningarsjóður Valgerðar, Guðrúnar og Önnu Steinsen.

## 2. gr.

Sjóðurinn er myndaður með dánargjöf Valgerðar Steinsen, samkvæmt erfðaskrá, og gjöfum til minningar um Guðrúnu og Önnu Steinsen.

## 3. gr.

Höfuðstóll sjóðsins, samkvæmt upphaflegri dánargjöf, er eigi skal skertur, nemur 25 000.00 kr.

## 4. gr.

Tilgangur sjóðsins er er að kosta eitt eða fleiri fátæk börn á dagheimili. Skal barn það eða börn þau, er styrk hljóta, verða klædd eftir þörfum, að því leyti er styrkurinn leyfir, meðan þau dvelja á heimilinu, og einnig þá þau fara þaðan. Þau börn, sem einstæðingsstúlkur hafa á framfæri sínu, skulu ganga fyrir um styrkveitingu.

## 5. gr.

Sjóðinn skal ávaxta á sem bestan og tryggilegastan hátt. Árlegum vöxtum skal úthlutað í framangreindum tilgangi. Enn fremur er sjóðsstjórninni heimilt að ráðstafa sjóðseign umfram höfuðstól skv. 3. gr., þannig að  $\frac{1}{3}$  hlutur renni í Líknarsjóð Dómkirkjunnar, til minningar um Valgerði Steinsen,  $\frac{1}{3}$  hlutur renni til Geðdeildar Barnaspítala Hringins til minningar um Önnu Steinsen og  $\frac{1}{3}$  hlutur til Systrasjóðs Kvennaskólans í Reykjavík til minningar um Guðrúnu Steinsen.

## 6. gr.

Stjórn sjóðsins skipa dómprófasturinn í Reykjavík ásamt einum ættingja Valgerðar, Guðrúnar og Önnu Steinsen, er dómprófastur tilnefnir.

## 7. gr.

Með skipulagsskrá þessari er niður felld skipulagsskrá frá 12. september 1962. Leita skal staðfestingar forseta Íslands á skipulagsskrá þessari.

15. maí 1975.

Nr. 223.

**SAMÞYKKT****um hundahald í Ölfushreppi.**

## 1. gr.

Hundahald er aðeins heimilt á lögbýlum í Ölfushreppi.

## 2. gr.

Sveitarstjórn er heimilt að veita einstaklingum í sveitarfélaginu, sem ekki búa á lögbýlum, undanþágu til hundahalds með eftirfarandi skilyrðum:

- a) Hundurinn skal skráður að tilhlutan sveitarfélagsins, og þar fær eigandi hundsins afhenta merkta plötu, sem jafnan skal vera í ól um háls hundsins.
- b) Árlega skal sveitarsjóði greitt leyfisgjald fyrir þá hunda sem undanþága er veitt fyrir. Gjaldið sem hreppsnefnd ákveður fyrir eitt ár í senn, skal renna til þess að standa straum af kostnaði við eftirlit með þessum hundum, og skal upphæð við það miðuð.
- c) Skylt er hundeiganda að hafa hund sinn ábyrgðartryggðan hjá viðurkenndu váttryggingarfélagi. Sveitarstjórn ákveður árlega lágmarksverð á ábyrgðartryggingu. Við greiðslu árlegs leyfisgjalds skal leggja fram kvittun frá tryggingarfélaginu sem sýni að tryggingin sé í fullu gildi. Gjaldldagi leyfisins er 1. júlí ár hvert.
- d) Hundurinn skal aldrei ganga laus á almannafæri, heldur vera í taumi í fylgd með aðila, sem hefur fullt vald yfir honum. Eigi er leyfilegt að fara með hunda inn í skólahús, matvöruverslanir, fiskvinnuhús eða aðra staði, þar sem matvæli eru höfð um hönd.